

Naqqiut

Naqqiut 20. september 2019-imeersoq taarserpaa

(Utoqqalinermi siusinaartumillu pensionisiat allanik isertitaqarnerit nassatarisaannik annikillineqartarunnaarnissaasa kinguneqaataannik pillugit Naalakkersuisut kingusinnerpaamik UPA2021-mi nassuiaammik saqqummiussinissaannik peqquneqarnissaat pillugu Inatsisartuni aalajangiiffigisassatut siunnersuummut akissuteqaammi aaqqiisoqarpoq. Aningaasartuutissasut taaneqartoq erseqqissaavigineqarpoq).

Utoqqalinermi siusinaartumillu pensionisiat allanik isertitaqarnerit nassatarisaannik annikillineqartarunnaarnissaasa kinguneqaataannik pillugit Naalakkersuisut kingusinnerpaamik UPA2021-mi nassuiaammik saqqummiussinissaannik peqquneqarnissaat pillugu Inatsisartuni aalajangiiffigisassatut siunnersuut.

(Inatsisartunut ilaasortaq Siverth K. Heilmann, Atassut)

Akissuteqaat

(Peqqissutsimut, Isumaginninnermut Inatsisinillu Atuutsitsinnermut Naalaakkersuisoq)

Siullermeerneqarnera

Inatsisartut aalajangiiffigisassaattut siunnersuummut saqqummiunneqartumut Naalakkersuisut qujapput aammalu utoqqalinersiaqartitsisarnermut siusinaartumillu pensionisiaqartitsisarnermut annikilliaartuaartitsisarnermik maleruagassat massakkut atuuttut kissaatiginngisanik kinguneqarsinnaanersut isumaliutigisariaqarneranik siunnersuuteqartup ukkassinera nersualarusullugu. Suliassaqarfik tassaavoq Naalakkersuisut annertuumik soqutigisaqarfisaaq, tassami sulisinnaasut tamarmik suliffeqarfeqarfimmuut attaveqaannarnissaminnut periarfissaqarnissaat kajuminnissaallu pisariaqartinneqarpoq. Soorlu siunnersuuteqartup eqqortumik uparuaraa, tamassuma nunap namminiilivinnissaanut qanillisingaatsiassavaa.

Sammissarlu taannarpiaq tassaavoq siusinaartumik pensionisiaqartitsisarnermik aaqqissuusseqqinnerup nalilersorneqarneranut massakkut ingerlanneqartumut ilanngullugu misissorneqartoq, tassani ilaatigut massakkut annikilliaartuaartitsisarnerup aaqqissuunneqarnerata kingunerit Naalakkersuisunit misissorneqarlutik. Tassunga aamma pissutaavoq inatsisissatut siunnersuutip imm. 144-p kingunerisassaannik nalilersuinissaq Naalakkersuisut kissaatigimmassuk, taannalu immikkoortup uumap saqqummiunneqarnera peqatigalugu saqqummiunneqarpoq. Siunnersuut akuersissutigineqassappat, nalilersuineq taanna ukiut 3-t qaangiunneranni aallartinneqassasoq kissaatigineqarpoq.

Nassuiaasiortoqarnissaannik siunnersuut manna naalakkersuisooqatigiinnissamik isumaqatigiissummut 2018-imeersumut tulluarpooq. Siunissami utoqqalinersiallit toqqammaviusumik pensionisiatik annikillisinngikkaluarlugit sulinerikkut isertitaqartarsinnaanerat tassani kissaatigineqartoq oqaatigineqarpoq. Utoqqalinersiallit utoqqalinersiamik saniatigut sulinerikkut isertitaqarsinnaanissaminnut kajumilersinnissaat siunertarineqarpoq. Taamaattoq toqqammaviusumik pensionisiat annikilliaartuaartinneqartarunnaanernata kingunerisassaa Naalakkersuisut misissorsimavaat. Tassani unammilligassaq tassaavoq utoqqalinersiallit isertitaqortoqut kisimik toqqammaviusumik pensionisiat annikilliaartuaartinneqartarunnaanerninik iluaquserneqassammata. Isertitakitsut isertitakinnertik pissutigalugu tamakkiisumik toqqammaviusumik pensionisiaqareernerannik tamanna ingammik pissuteqarpoq.

Paasissutissat taakku tunuliaqutaralugit naalackersuisooqatigiinnissamik isumaqatigiissuteqartut tassunga taarsiullugu utoqqalinersianut tapinut ilanngaatiq qaffanneqarnissaa kissaatigaat, immikkoortorlu 144 aqutigalugu toqqammaviusumik pensionisiap annikilluartuartinneqartarnerata kinguartinneqarnissaa kissaatigalugu, taannalu immikkoortoq manna peqatigalugu suliarineqarpoq. Taamaalilluni annikilluartuaittisarneq peerneqavinnigilaq kisiannili qajassuarnerusumik pissalluni. Isertitaqarnerpaat taamaallaat iluaqusernagit kisiannili annertunerusumik isertakitsut akunnattumillu isertitallit akornanni sulinermit isertitaqarnissamut kajuminnermik pilersitsinissaq inatsimmik allanngortitsinerup kingunerissavaa.

Utoqqalinersianik annikilluartuaittisarnerup peerneqarneranut kiisalu aappariit kisermaallu qaffasissumik utoqqalinersianut tapinik assigiimmik tunineqartarnissaannut atatillugu ukiumut aningaasartuutaanerusussat naatsorsorneqarput nalilerneqarlutillu utoqqalinersianuinaq 2020-imi 74 mio. kr.-it missaanissasut. Utoqqalinersianut tapit qaffasissusaat attatiinnaraanni, kisiannili Inatsisartut inatsisissaattut siunnersuummi allaaserineqartutut toqqammaviusumik aamma utoqqalinersianut tapinut annikilluartuaittisarneq peerneqarpat, tamatuma ukiumut aningaasartuutaanerusussat 36-37 mio. kr.-iunissaat kingunerissavaa.¹ Taamaalilluni annikillisitsisarneq tamakkiisumik peerneqassappat annertoorejussuarmik aningaasartuutaanerusaaq. Tamatuma saniatigut taamaaliornerup pingaarnertut isertitaqqortuut iluaqusissavai.

Aalajangiiffigisassatut siunnersuutip akuersissutigineqarnissaa Naalackersuisut inassutigaat.

¹ Pensionisiantut akigititat 2017-imeersut aningaasartuutissatut missingersuinermit atornerqarmata malugiuk